



ADORASAUN EUKARÍSTIKA

“Hau’fiar, tan ne’e ha’u ko’alia”

INTRODUSAUN

Iha Tinan Fiar nian ida-ne'e, ita husu Na'i atu haboot ita-nia fiar no atu hatene hatán ba ema sira razaun ba ita-nia fiar hodi bele dehan hanesan S. Paulo "Ha'u fiar, tan ne'e ha'u koalía" (2 Cor 4,13b), Ita-nia reflesaun sira foti husi Amu-Papa nia surat ba loron ohin, Loron Mundiál Misaun nian.

ESPOZISAUN SS. SAKRAMENTU

Kantu: AMI FIAR

Momentu dahuluk: KONTEMPLASAUN

"Ha'u fiar atu kontempla Na'i nia laran-di'ak iha rai ema moris sira-nian" (Sal 26, 13)

Hakaran boot atu haklaken Kristu dudu mós ita atu lee istória atu bele kapta humanidade nia problema sira, aspirasaun sira no esperansa sira ne'ebé Kristu tenke kura, purifika no hakonu ho Ninia prezensa. Defaktu, Ninia Mensajen atuál nafatin, tama borus istória nia fuan no iha kbiit atu haraik resposta ba ema ida-idak ninia inkietude kle'an liu [...]

Defaktu, obstákulu ida ba impulsu evangelizasaun nian maka krize fiar nian, la'ós de'it mundu osidentál nian maibé mós parte boot humanidade nian, ne'ebé hamlaha no hamrook ba Maromak no tenke konvida no gia ba paun moris nian no bee moris nian, hanesan feto Samaritana ne'ebé ba posu Jacob nian no ko'alia ho Kristu [...] hasoru Jezús, ne'ebé hahú hodi husu atu fô hemu maibé tuirfalimai ko'alia ba nia kona-ba bee foun, ho kbiit atu halakon hamrook ba nafatin. Foufoun feto la komprende, nia hela iha nivel materiál, maibé neineik-neineik Na'i gia nia hodi halo dalan fiar nian no lori atu rekoñese Nia nu'udar Mesias. No refere ba ne'e Santu Agostinho afirma: «Depoizde simu iha nia fuan Kristu Na'i Jezús, sá tan mak

[feto ne'e] bele halo se la'ós husik ninia kanaba no halai ba haklaken liafoun-di'ak?» (In Ioannis Ev.,15, 30).

Jezús bolu ita atu ba kuru husi Nia Sabedouria atu bele koñese ita nia fuan nia profundidade: ita simu konvite atu hela ho nia iha orasaun, iha raronak no iha kontemplasaun ninia Liafuan nian atu moris iha “ksolok nakonu iha ninia prezensa”, ne'ebé lori ita iha estrada sira mundu nian atu haklaken Salvasaun.

Iha silénsiu ita kontempla Eukaristia, hodi husik Na'i nia Liafuan lori ita atu ofere se ita-nia fuan nia dispozisaun.

Silénsiu

INVOKASAUN

Ita husu Na'i atu halo ita konxiente kona-ba Ninia prezensa no halo ita-nia fiar sai tasak habosu iha Meza Liafuan nian:

Na'i haraik mai ami, hateken kle'an fiar nian

Atu Kreda besik nafatin ba ema nia laran la-hakmatek no esperansa sira;

Atu misionáriu/a sira ita-nia Evanjellu nian hetan kbiit husi Paun Lalehan nian;

Atu povu hotu bele koñese Ita;

Atu ami hatene agradese ba prezente presiozu fiar nian;

Atu ami bele komprende di'ak liután sentidu Eukaristia nian;

Atu família ida-idak hetan kbiit husi fiar, husi Paun Moris nian;

Atu oan sira ne'ebé ita salva keta namkari iha aat nia liman;

Atu Maria, Ita no ami Inan, tahan ami iha ami-nia dalan;

Atu ami bele kontempla ba beibeik ita-nia Liafuan;

Atu ami bele hakohak liután Ita iha ami-nia moris;

Atu iha sofrimentu mós. Ami-nia esperansa la mate;

Atu ami filafali ba Ita, ho fuan tomak.

KNANANUK

Momentu daruka: VOKASAUN

“Hanoin didiak maun-alin sira, imi-nia bolun” (1 Cor 1, 26a)

“Enkontru ho Kristu nu’udar Ema moris ida ne’ebé halakon ninia fuan nia hamrook, labele halo buat seluk se la’ós hakaran atu fahe ho ema seluk ksolok prezensa ne’e nian no halo ema koñese Nia atu hotu-hotu bele koko rasik (...)Preokupasaun atu evanjeliza labele hela de’it iha atividade ekleziál no sarani nia vida pesoál nia ninin, maibé tenke karateriza nia ho modu intensu, konxiente nu’udar destinatáriu no tempu hanesan misionáriu Evanjellu nian. Pontu sentrál anúnsiu nian kontinua hanesan: Kerigma Kristu mate no moris-hi’as ba mundu nia salvasaun, Kerigma Maromak nia domin absolutu no totál ba mane no feto ida-idak, no ninia tutun aas liu konsiste iha haruka ninia Oan-Mane rohan-laek no mesak, Na’i Jezús, ne’ebé la despreza atu asume ita-nia natureza umana, hodi hadomi nia no salva nia husi salan no mate liuhusi ninia saran-An rasik iha krús”.

Atu lori fali ita ba Aman Maromak nia domin, Jezús la hakribi atu mate. Ne’e maka presu atu kria foun fali ita nu’udar ema foun. Ne’e realidade ne’ebé ita buka rekoñese, haklaken loron ba loron ho ita-nia moris rasik. Prezente ida simu ne’ebé halo ita sente devér atu fahe fali ho ema seluk, iha ksolok.

Iha silénsiu, ita kontempla kona-ba possibilidade ita-nia vokasaun espesífika fó atu sai misionária iha moris lorloron.

Silénsiu

Kantu: Ha’u mak ukun

Momentu datoluk: RESPONSABILIDADE

“Basá ha’u haklaken evangeliu karik, ne’e la’ós atu ha’u bele gaba an,maibé knaar ida” (1 Cor 9, 16a)

“Bainhira proklama Tinan Fiar nian, ha’u hakerek katak Kristu «ohin, hanesan uluk, haruka ita iha lurón sira mundu nian atu haklaken ninia Evanjellu ba povu hotu rai nian» (Porta fidei, 7). No proklamasan ida-ne’e – hanesan Maromak nia Atan Paulo VI refere, iha Ezortasaun apostólika Evangelii nuntiandi – «la’ós kontribuisaun fakultativa ida ba Kreda: devér ida ne’ebé kompete ba nia, ho Na’i Jezús nia mandatu, atu ema sira bele fiar no hetan salvasaun. Loos, mensajen ne’e nesesária; mensajen únika no trokalaek» (n. 5). Nune’e, ita iha nesesidade atu soi filafali laran-manas apostóliku hanesan comunidade sarani dahuluk sira, ne’ebé, maski ki’ik no labele defende an, iha kapasidade, ho anúnsiu no testemuñu, halekar Evanjellu ba mundu tomak koñesidu iha tempu ne’ebá.

Tanba ne’e ita la hakfodak katak Konsíliu Vaticano II nune’e mós Majistériu tuirmai Kreda nian insiste, ho modu espesiál, kona-ba mandatu misionáriu ne’ebé Kristu konfia ba ninia eskolante sira no tenke sai Maromak nia Povu tomak ninia empenhu: Bispu sira, amlulik sira, diákonu sira, relijiozu/a sira no leigu/a sira. [...]

Mandatu atu haklaken Evanjellu iha rai tomak tenke envolve Kreda partikulár nia atividade tomak, ninia setór hotu, atu habadak, ninia an tomak no obra hotu [...] Ohin mós misaun ad gentes tenke sai orizonte konstante no paradigma ba atividade ekleziál tomak, basá parte Kreda nia identidade nian maka fiar iha Mistériu Maromak nian, ne’ebé hatudu an iha Kristu atu haraik mai ita salvasaun, no misaun atu fó sasin kona-ba Nia no haklaken ba mundu to’o Ninia fila-hikas”.

Ita-nia fuan simu bolun atu loke an ba orizonte rohan-laek. Kristu haruka ita, Ninia Espíritu tahan ita iha anúnsiu domin nian, atu bele lori Nia ba ema hotu ho fiar no sasin kredivel. Ne’e maka

responsabilidade ida maibé mós grasa ida atu fahe, grasa ne'ebé halo ema sai santu.

Iha silénsiu ita kontempla Eukaristia hodi husi Na'i habiit ita iha fiar atu haklaken Evanjellu iha mundu.

Silénsiu

INVOKASAUN

Responsabilidade anúnsiu misionáriu nian la mai husi ta'uk maibe, husi ksolok kle'an atu hadomi Maromak ne'ebé halo ita hola-parte iha projetu salvasaun ba mundu tomak:

Halo ami sai sasin loos fiar nian

Kristu Maromak Aman nia ilas;
Espíritu Domin nian ne'ebé konsola fuan sira;;
Ita ne'ebé hamanas fuan malirin sira;
Ita ne'ebé haraik salvasaun ba povu tomak;
Ita ne'ebé haraik fali esperansa mai ami;
Ita ne'ebé lori liberdade loos ba fuan sira;
Tu che doni la vera libertà del cuore;
Ita ne'ebé kontinua “silu fahe ita-nia Isin” liuhusi misionáriu/a sira;
Tita ne'ebé nunka husik ita-nia Kreda;
Ita ne'ebé tulun sira ne'ebé bolu Ita;
Ita ne'ebé bolun ami atu servi maun-alin sira;

Momentu dahaat KARIDADE

“Nune'e mak ema hotu sei hatene katak imi Ha'u nia eskolante sira: wainhira imi hadomi malu” (Jo 13, 35)

«Ha'u la haklaken evanjellu karik, susar boot mai ha'u!»: apóstolu Paulo hateten (1 Cor 9, 16). Frazee ne'e nalian, ho kbiit, iha sarani

no komunidadade ida-idak ninia tilun iha Kontinente hotu. Biar iha Kreda sira territóriu misaun nian, Kreda sira ne'ebé sei foin-sa'e no ho fundasaun resente, misionariedade sai tiha ona dimensaun konaturál ida, maski sira rasik sei presiza misionáriu sira. Amlulik barak, relijiozu no relijioza sira, husi parte hotu mundu nian, leigu lubuk ida no mós família tomak husik sira nia rain rasik, sira-nia komunidadade lokál no bá iha Kreda seluk atu fó sasin no haklaken Kristu nia naran, husi Nia maka umanidade hetan salvasaun. Ne'e mak espresaun ida komuñan kle'an nian, partilla no karidade entre Kreda sira, atu ema ida-idak bele rona, ba dala uluk ka rona filafali, anúnsiu ne'ebé salva no hakbesik an ba sakramentu, moris loos nia hun".

Empeñu misionáriu hetan modelu husi Jezús nia ezempli ne'ebé mai atu haraik moris mai ita. Anúnsiu nia finalidade mal lori Moris no Salvasaun ba ema hotu.

Iha silénsiu, ita kontempla Eukaristia hodi hakbesik ba Jezús ne'ebé hsu atu silu ita nia an hanesan Nia, ne'ebé sai Paun no Tua, atu ita bele fó sasin iha mundu lialoos domin nian.

Silénsiu

Kantu: Domin loloos

Momentu dalimak AGRADESIMENTU

"Ti rendo grazie, perché mi hai esaudito. Perché sei stato la mia salvezza" (Sal 117, 21)

"Fiar iha Maromak, iha projetu domin nian ne'ebé realiza iha Kristu mak, uluknanai, don no mistériu ida ne'ebé tenke simu iha fuan no iha vida no ba buat ne'e agradese nafatin Na'i. Maibé fiar mak don ida haraik mai ita atu fahe; talentu ida ne'ebé simu atu fó fuan; naroman ida ne'ebé labele subar, maibé haroman uma tomak. Don

importante ida ne'ebé ita simu iha ita-nia moris no labele rai ba ita-nia an rasik".

Modu di'ak liu atu agradese Na'i atu liuhusi ita presente fiar nian be;e fahe ba ema hotu, sai boot liután, hodi hatudu ninia fafurak hotu. Mundu presiza naroman ne'e, atu bele hananu filafali iha ksolok.

Iha silénsiu ita kontempla Eukaristia no hasa'e ba Na'i ita-nia sentimentu hotu rekoñesimentu nian ba buat ne'ebé Nia haraik mai ita to'o ohin lora.

Silénsiu

INVOKASAUN

Mai ita esprime ita-nia gratidaun ba Na'i, ba presente hotu ita simu ho modu espontánea. Ita sei hatán ho refraun Magnificat nian

AMI AMAN

Orasaun Finál: Maromak, Aman konsolasaun hotu nian, ne'ebé ba ema la'o-rai sira iha tempu, Ita promete rai no lalehan foun, halo atu ami bele buka nafatin ita iha pureza fiar nian no iha santidade moris nian hodi nune'e bele haklaken ba ema hotu ita nia maksoin. Ami husu ne'